

黔南叢書

第三集第三冊

敝帚集卷之五

貴陽吳中蕃滋大著

七言律

武陵雨泊

十年濶別枉山汀又逐煙波下洞庭
細雨打篷低雁濕洪濤隱岸老蛟腥
雲昏漁火穿葦見舟並鄉談倚枕聽
爲憶昔遊成過客數峯猶自弄空青

重遊河湫過胡白鶴園得鵝字

小春氣候覺猶和勝地招邀一再過
澹澹好風開遠岫

敝帚集卷之五

貴陽吳中蕃滋大著

七言律

武陵雨泊

十年濶別枉山汀又逐煙波下洞庭
細雨打篷低雁濕洪濤隱岸老蛟腥
雲昏漁火穿葦見舟並鄉談倚枕聽
爲憶昔遊成過客數峯猶自弄空青

重遊河湫過胡白鶴園得鵝字

小春氣候覺猶和勝地招邀一再過
澹澹好風開遠岫

紛紛木葉下層波竹間鏤句今成蚓閣裏藏經舊換鵝
放棹中流乘好月妖姬倚醉不能歌

秦淮月下

秦淮絲管最多情夜夜鳴鳴傍耳明有客抱愁階下立
何人擁棹月中行烏飛更向誰之屋馳臥行看汝在荆

遙望□陵深一拜如聞天語念神京

時北都戒嚴
左兵南犯

弔方正學先生

木末荒亭伴冷祠何人到此不生悲要爭一字千秋是
那顧全家十族夷浩氣豈隨藏血化托孤猶賴老天遺

上海余家
今已復姓

大書史策能無諱直待於今論定時

螺髻莽弔卓忠貞先生

莽爲卓
左車建

騎虎山中黑夜歸當時何不卽相依功名腸熱神仙冷
君父恩深性命微至計無如封蚤徒臨刑猶恨用多違
九原可作誰堪並應笑夷齊尙食薇

國有忠臣史亦光如何子姓不蒸嘗當年豈計宗能亢
今日纔知德可長氣漏石頭城下水風迴螺髻佛前香
語公且勿悲前事又聽鐘聲報夕陽

白門除夕買舟將遂東遊

去住無能兩觸藩誰憐北適復南轅孤燈自苦聲容地
小雨先搖道路魂雀凍每云依幕穩雞棲雅負識時昏
明朝便是煙波客此際情懷不可言

別萬客侯

歸來海上頓移情意外相從喜更驚志大那能藏亂世
才雄焉肯作諸生老親尙在予將返知已難逢汝合行

時應楚撫聘

回首三山人又遠浪頭雪立暮潮盈

太湖逢周士登先生

茫茫萬頃淨琉璃曉立船頭自咏詩爲憶古人成既往

敢期今世得新知欣然執手翻如舊率爾聯舟不暫離
尙約西湖相待取鶯嬌柳媚暮春時

苕溪道中謝餽

鼓罷樓船月在汀茸茸村樹雨初醒
簑衝港霧移微黑山曙湖春覺倍青
橋影帶雲紆逐岸鄉心和夢遠離形
推篷便煮苕溪水無意烏程致一餅

錢塘觀潮

倒翻銀海勢奔騰何故今朝定有憑
萬里遠從沱赭溢幾回欲把鳳山增
靈旗白馬猶餘怒强弩堅鏃竟莫懲

願得安流仍返壑休教眼底見襄陵

時北都戒嚴

謁林和靖先生墓

爲訪孤山特地來何人肯不謁君回
一丘荒艸凌詩骨片碣狂苔沒隱才
小艇搖搖疑載鶴長橋寂寂並無梅
身當盛代繁華地莫恠先生戀碧隈

望海

獨攜雙眼此凭欄始信洋洋實大觀
孤嶼似隨潮起落微風能使海波瀾
濯將日月精魂冷消盡江河氣勢漫
我欲縱遊洲島外看他世界幾多寬

表忠祠弔劉省吾大將軍

已見東方闢五星如何造次說犁庭方張強敵多英勇
遠調諸軍昧勢形聲死鼓聲三路潰血流春艸二江腥
將軍豈是忘持重馬上紅旗不暫停

飛雲巖

螺甲忘局混沌殘誰能過此不停鞍何年幻跡初留住
滿壁幽痕尙未乾使我冥遊生寂悟從今逢石作雲看
休誇好句因奇得欲敵奇姿句反難

葛鏡橋

萬山中斷割羊腸誰布黃金作筏梁屢壞屢修心力固
無今無古姓名揚匹夫慕義猶能濟財鹵慳施祇慢藏
試問往來擔負者兒孫若箇守倉箱

丁亥紀亂

甚日春城剗賊壕堪憐原野厭流膏天心巧設量人壑
地氣全鍾作柱蒿賊去兵來梳與篦饑成疫作瀘而淘
低徊爲想身親事史籍何曾得一毫

弔陳平人先生

先生膏黔學曾受其知壬午罷蜀撫抵渝獻賊執而磔
之時日正中震霆忽擊繞賊而去甲午守渝爲位哭之

謀守當年兩莫爲心傷負杖獨何悲已辭帥閫同行路
猶赴湯焚死鼓綏血染沙場天地動心存君父鬼神知
書窮萬卷無多子兩字綱常不受嗤

聲流閩海擅雙奇

與黃石齋齊名

一死金陵一死茲生作鳳麟

光上國死將肝腦答明時蒼天旣肯驅雷電艸賊何猶
緩刻期滿地荒榛秋水濶碧燐無處問藏貍

望塗山燈火

三巴勝槩莫能先劫火難逃佛亦然禹廟無從尋故址
江聲空自說當年廢興就裏天難問得失由來山不傳

誰向香臺驅豹跡煌煌寶炬吐林巔

鐵桅

在塗山相傳爲織屨老翁所造

巴渝萬室俱灰燼只此巍然插漢高
畢世經營原自苦當年願力亦何牢
要同樹鐵爭千古還比標銅剩一豪
身後尙能留不朽殊慙筆墨與弓刀

棗園大風

蹇蹇王程曳笏籃剛風裂面髭毛鬚
錢青日冷烏猶凍浪白沙飛石與參
馬立倒嘶頭束尾奴號返面北爲南
膏梁紈袴誰家子面閣銀屏酒正酣

疊水

千山迢遞出驚湍，疊向層崖作異觀。
渴飲蜺光晴亦雨，怒飛霜氣暑猶寒。
長途立馬頻回首，永夜披衣更倚欄。
塵土胃腸都滌盡，移家擬得十年看。

題九家村隱居

萬壑千峯遶一廬，松陰落落散亭墟。
不知晉魏更人世，惟向蜂花驗歲除。
香滿巷中長臥犬，泉鳴堦下自騰車。
山間一味留淳樸，閒盡心魂不讀書。

惜之也
亦羨之

看梅

倚樹爲茆遠抱江開香叢裏闌花邦祇容鶴影藏深塢
猶縱茶煙抹冷龐擬賦奇芬還閣筆偶思靜對獨推窗
遙看漠漠平原外載酒何人亦艤艖

隔窗新見影磳磳知得梅魂返故居人在天涯傷道遠
候從律琯念風初不堪積雪封三徑忽與疎香滿一廬
遙夜未眠重啓戶是耶永望悵何如

霜禽啄蕊破瓊脂裊韻流馨澹宕吹靜者獨居如見速
美人沉首更何思孤琴欲弄寒生指寶鼎無焚味有枝
折得幸能分色笑碧紗深處久支頤

種梅應在水雲間
淡澹常教氣味關
時見一枝猶可喜
縱饒千樹不須刪
全身化石方成格
半點無塵孰與班
逋客偶來尋鶴子
雪深衣冷未知還

凍雲欲結北風哀
有客誰能着屐來
隔檻幾番聞竹折
停卮忽爾報花開
欣除別後經年思
立暖庭前一寸苔
百五日長閒自數
煩伊爲領好春回

一度看梅一歲休
十年花送老人頭
憐渠何事矜微尙
伴我多情守尺丘
把易欲窮肥遯理
論交須是獨清流
素心好與相晨夕
無那東風不肯留

酒罷隨風逐野香
經旬遠引幾休糧
霏霏雨雪深深澗
隱隱人家短短牆
羌筵一聲寒落魄
江鳥數點亂無行
就中意味君憐我
立盡黃昏空斷腸

相將聊學晉冠衣
白紵青鞵鬪鳥飛
幾度墜驢還自起
終朝坐石竟忘歸
山童足凍微生懊
圃老門關亦道非
便效古人梅下葬
魂幽魄冷骨芳馡

玄猿絕粒鶴言饑
湖上橋邊薄暮歸
正覺賞心逢異味
遙知隔陌有芳菲
全分處士桑麻畝
半透農家棘蔓扉
瘦質寒姿相向笑
世間俊物不癡肥

古寺寒花護小岑
頓添名勝窈然深
將霜結構爲羣萼
與月依資共一林
幾亂幽痕終有別
都無寒氣自生陰
老僧兀兀同枯木
消息初回定後心

村氣朝來出莽蕪
僂僂寧復有他株
總無枝葉猶堪取
除卻香光亦自殊
每接威儀生遠想
如將苦勁挽時趨
大觀不破炎涼見
婉變誰知靜女姝

絕代佳人與世遺
朽枯天地忽生姿
高低嶺上橫斜致
大小瓶中疎密枝
燥氣悉捐成獨往
道風未墜賴孤持
閒來細檢羣芳譜
除卻瓊花可並誰